



UNIVERSITÄTS-
BIBLIOTHEK
PADERBORN

Universitätsbibliothek Paderborn

Das new Testament recht grüntlich teutsch

Luther, Martin
Straßburg, 1524

VD16 B 4346

Das. IIII. Capitel.

urn:nbn:de:hbz:466:1-34848

Euangelion

ist durch die propheten / Er sol Nazarenus heysen.

Das. III. Capitel.

Zu der zeyt kam Johannes der teuffer:

Luce. 3.
Ioh. 1.

Isa. 40.
Marci. 1.

Solche heu
schrecke pfe
get man inn
erlichen mo
genlend zu
essen / als
Hierony
mus schribt

vnnd prediget in der wüsten des Jüdischen lands / vnnd sprach /
Bessert euch / das himelreich ist na herbey kommen. Vnd er ist der / von dem
8 prophet Isaias gesagt hat / vn̄ gesprochen / Es ist ein ruffende stimm inn
der wüsten / Bereydet dem herzen den weg / vnnd macht seine steig richtig.
Er aber Johannes hatt ein kleid von Cameel haren / vnnd einen läderen
gürtel vmb seine lenden. Seine speys ware heuschrecken vnnd wild honig.
Da gieng zu im hinus die statt Hierusalem / vnnd das ganz Jüdisch land /
vnnd alle lender an dem Jordan / vn̄ liessen sich teuffen von im / im Jordan /
vnnd bekanten ire sünd.

Als er nun vil phariseer vn̄ saduceer sahe zu seiner tauff komme / sprach
er zu inen / ir otter gesichte / wer hat den euch so gewis gemacht dz ir entrin
nen werdet dem zukünfftigen zorn? Sehet zu / thünt rechtschaffne frucht &
büß. Denckt nur nit / das ir bey euch wölt sagen / wir haben Abraham zum
vatter. Ich sag euch / gott vermag dem Abraham vñ disen stein / kinder er
weckē. Es ist schon die art den bey men an die wurzel gelegt / darüb welch
er baum nit gütte frucht bringt / wir abgehauevn vn̄ ins feur geworffen.

Ich teuff euch mit wasser zur büß / der aber nach mir kompt / ist stercker
den ich / dem ich auch nit bin gnügsam / seine schäch zu trage / der wirt euch
teuffen mit dem heiligen geist vnnd mit dem feur / vnnd er hat seine wurff
schuffel in der hand / er wirt seine tenne segen / vnnd den weizē in sein scheu
ren samlen / aber die sprew wirt er verbrennen mit ewigem feur.

Zu der zeyt kam Jesus von Galilea an den Jordan / zu Johanne / das er
sich von im teuffen lies. Aber Johannes weret im / vnnd sprach / ich bedarf
wol / das ich von dir getaufft werd / vnnd du komst zu mir? Jesus aber ant
wort vnnd sprach / laß yetz also sein / also gebürt es vns * alle gerechtigkeit
zu erfüllen. Do lief ers im zu / vnnd da Jesus getaufft war / steig er bald er
uff vñ dem wasser / vnnd sihe / da wurden über im die himel vñffgethan / vnnd
Johannes sahe den geist gottes gleych als ein tauben erabstigen vnnd über
in kommen / vnnd sihe Ein stimm von himel erab sprach / diß ist mein lie
ber sün / in welchem ich ein wol gefallen hab.

Ioh. 1.

Matth. 17.

* (alle gerechtigkeit) Alle gerechtigkeit wart erfüllet wen wir vñß aller vnser gerechtigen vnnd ero
verzeihen / dz gott allein für den gehalten werd / der gerecht sey / vnnd gerecht mach die gleubige / Die
thüt Johannes / so er sich seiner gerechtigkeit anfert / vnnd wil von Christo getaufft vnnd gerechtfert
iget werden / Diß thüt auch Christus / so er sich seiner gerechtigkeit vñ ere nit annimpt / sonder laßt sich
teuffen vnnd tödten. Den tauff ist nicht anders den todt.

Das. III. Capitel.

Marci. 1.
Luce. 4.

Dward Jesus vom geist in die wüste
geführt / vñß das er von dem teuffel versucht würde / vnnd da er
vierzig tag vnnd vierzig nacht gefastet hatt / hungert in / vnnd der versü
cher trat

vnd der versücher tratt zu im / vnd sprach / Bistu gottes sün / so sprich das
dise stein brot werden. Vnd er antwort vnd sprach / Es ist geschriben / Der
mensch wirt nit von dem brott allein leben / sonder von einem yeglichen
wort / das durch den mund gottes geet. Deut. 8.

Do firt in der teufel mit sich in die heilige statt vnd stelt in vff die zyn
nen des tempels / vñ sprach zu im / Bistu gottes sün so loß dich hinab. Denn
es ist geschriben / Er wirt seinen engeln über dir befehlen / vñd sy werden
dich vff den henden trage / vff das du deinen füß nit an einen stein stoßest /
Da sprach Jesus zu im / widerumb ist auch geschriben. Du solt gott deinen
herren nit versüchen. Psal. 90.
B
Deut. 6.

Widerum / firt in der teufel mit sich / vff einen ser hohen berg / vnd zeygt
im alle reych der welt / vnd ire herligkeit / vñd sprach zu im / das alles wil
ich dir geben / so du niderfallest / vñd mich anbettest. Da sprach Jesus zu
im / hab dich Satan / denn es ist geschriben / Du solt anbetten gott deinen
herren / vnd im allein dienen. Deut. 6.

Do verließ in der teufel / vñ sihe / Do trattē die engel zu im vñ dienetē im.
Donun Jesus horte / das Johannes überantwortet war / zog er in das
Galileisch land / vnd ließ die statt Nazaret / kam / vnd wonete zu Caperna-
um / die do ligt am meer an der grenze Zabulon vnd Nephtalim / vff das
erfüllet würde / dz do gesagt ist / durch den propheten Isaiā / der do spricht
Das land Zabulon vñd das land Nephtalim / am weg des meres iherusit
dem Jordan / vnd die heydnisch Galilea / das volck das in finsterniß saß /
hat ein grosses liecht gesehen / vnd die do sassen in dem ort vñ schatten des
todts / den ist ein liecht vffgangen. Luce. 4.
Ioh. 2.
C
Isa. 9.

Von der zeit an / sieng an Jesus zu predigen / vñ sagen / Bessert euch / das
himmelreich ist nach erbey kommen.

Als nun Jesus an dem Galileischen meer gieng / sahe er zwen brüder /
Simon der do heyst Petrus / vnd Andreas seinen brüder / die wurffen ire
netz ins meer / den sy waren fischer / vñ er sprach zu im / Folget mir nach / ich
wil euch zu mensche fischer mache / Bald lieffen sy ire netz / vnd folgetē im. Marci. 1.

Vnd do er von dannen fürbaß gieng / sahe er zween andere brüder / Ja-
cob den sün Zebedei / vñd Johannem seinen brüder / im schiff mitt irem
vatter Zebedeo / das sy ire netz sückten / vnd er rufft in. Bald lieffen sy das
schiff vnd iren vatter / vnd folgeten im nach.

Vñd Jesus gieng vmbher im ganzen Galileischen land / leret in iren
schulen / vnd prediget das Euangelion von dem reych / vnd heylet allerley
sücht vnd krankheit im volck / vnd sein gerücht erschal in das ganz Sy-
rien land / vnd sy brachten zu im alle krankten / mit mancherley süchten vñ
quall behafft / die besessenen / die monstüchtigen / vnd die gichtbrüchtigen /
vnd er macht sy alle gesunt / vñd es folgete im nach vil volcks / von Gali-
lea / von den zehen stettē / von Hierusalem / vom Jüdischen land / vnd von
iherusit des Jordans.

Das. V. Capitel.

A iij Da